

**ABANDONMENT** - An juon eo jinen ak jemen ak dri-lale im dri-kejbaroke juon ajiri jolok im ilok jen ajiri eo ilo an ejelok juon eo ej kejbaroke, lale, najiriki im bok an aikuij, ak jako iturin ajiri eo iumin juon kotan eo elab an aitok. Bareinwot, an juon dri-balele jolok im etal jen armej eo balen ilo an wor an lemnak in kojemlok balele eo ak bed eo ikotaerro.

**ABATEMENT OF ACTION** - Juon case eo im emoj joloke ak kojemloke.

**ABSTRACT** - Juon kokadudu in juon jermal ak wawein eo elablok, eo im iloan ej bed melele eo an jermal eo elablok ie.

**ABSTRACT OF RECORD** - Juon kadu in ak kokadudu in melele ko kin case ko im loi ilo record ko.

**ABSTRACT OF TITLE** - Juon kokadudu in melele ko an aoleb official record ko im pepa ko emoj recordi im rej jelet title ak maron ko non juon jikin ak bwirej, im melele kein remaron drori ekkar non leta ko einwot ABC, ran ko rar kadreloni ie ak bar kain lajrak ko jet.

**ACCESSORY** - Juon eo ej jiban bar juon armej ak lelok kunan ilo komane juon jorren ak bod.

**ACCOMPLICE** – Juon eo ej, ilo an wor an jela, komane jen kelet im konan eo an make, im wor wot an kar baj lemnak in komane, kobalok iben bar juon armej eo im ej komane juon jorren ak bod.

**ACCORD** - Juon borokuk eo emoj an party ko ilo juon case erra kake, eo im enaj bobrae an bar drelontok ejja abnono eo wot tokelik.

**ACCORD AND SATISFACTION** - Juon wawein eo kojerbale non jolok juon claim ekkar non kon eo ikotan party ko non lelok im bok juon men eo jen dron einwot non kojemlok claim ak abnono eo.

**ACCUSATION** – Juon enno eo emoj lukun kadrelon nae juon armej, kin melele eo ak ikijien wot an kar bok kunan ilo ak komane juon jorren ak bod eo ewor kajje nae.

**ACCUSED** – Et eo kojerbale non juon dri-jumae abnono ilo juon criminal case ak case ko nae ro im rej koman jorren ak bod.

**ACKNOWLEDGMENT** - 1. Juon naan ak melele eo juon ej kwalok non kamol an ak kwalok ke ewor an eddo. 2. Naan ak melele eo ekadu im rej dror ilo jemlokin legal pepa ko non kamol ke emoj kar jaini im kamoli.

**ACQUIT** – Wawein eo ej koman iumin kien non kwalok im ba ke ejelok ruon juon armej eo im emoj kar ennoik ruon kin juon jorren ak bod.

ACQUITTAL – Ilo kakien ko non case in criminal kok, ej jemlok eo im ej kwalok im ba ke ejelok ruon armej eo im emoj kar ennoik ruon kin juon jorren ak bod. Ilo kakien ko non case in contract ko, ej korolok, jolok ak kotlok juon armej jen juon an kar eddo, muri ak kunan.

ACTION – Case, unin abnono, bok, abnono eo iakwelel kake iman juon jikin ekajet.

ADJUDICATE – Ekajete juon men non an wor juon jemlok ak alikar.

ADJUDICATION – Kwalok ak lelok juon jemlok ak alikar. Bareinwot jemlok lelok.

ADMINISTRATOR – 1. Juon eo im ej lale im bok eddoin men ko mwein juon armej eo emoj an mij ak ear jab koman an kalimur. 2. Juon officer an court.

ADMISSIBLE – Juon men eo ekkar im jimwe bwe en wor an court eo lemnak kake im watoke ilo an komane jemlok eo an.

ADMISSIBLE EVIDENCE – Kamol ko im ekkar non kakien rejimwe im jejjet non an juon jakimantak einwot kein kamol ilo juon ien ekajet an juon case in civil ak criminal.

ADMISSION – Naan ak melele juon armej ej make kwaloki jen kelet im konan eo an make im ba ke mol ke ewor jet men ko ak melele ko im rej kamol melele ko an party eo juon.

ADMONISH - Kabilek ak rejan/kakkol. Non wanjonok, court emaron rejan/kakkol ak rejan lawyer ro kin jermal ko aer im rej jab jimwe ak emon.

ADOPTION – Bok juon ajiri eo nejin bar juon armej im kadrelonlok ilo bamle eo an armej eo ej boke im lelok none aoleb jimwe, maron, im eddo ko an juon ajiri ak dri-jolet einwot juon eo lukun koban lojen.

ADVERSARY SYSTEM - Wawein ak kilen ekajet eo rej kojerbale ilo U.S. im lal ko jet. System ak kilen jermal in ej bedbed wot ion tomak in ke wawein eo emontata non bukot im jela ewi wot lukun mol eo ej non lelok ak kotlok non party ko jen dron ien non aer maron jakimantak im ejaaki kamol ko aer, im non jajoni ak etali kamol ko aer jen dron ilo aer kajitokin dri-kamol ro aer jimor. Aoleben wawein kein rej komani ekkar non kakien ko emoj aer kar ejaak im rej kwalok kilen ak rule ko non limantak iman juon judge ak jury eo ejelok an jeb ak kalijeklok.

AFFIANT – Juon armej eo ej komane im jaini juon affidavit ak pepa in naan in kamol.

AFFIDAVIT – Juon naan in kamol eo ilo jeje im juon armej ej komane im jaini ilo an kalimur in kenono mol im kamol melele ko iloan pepa eo iman juon notary public ak juon armej eo ewor an maron iumin kakien non lelok kalimur non kenono mol non bar juon armej. Non wanjonok, ilo criminal case ko, affidavit ko ak pepa in naan in kamol ko ekka wot an police officer ro kojerbali ilo aer kajion kaju buruon court ke ekkar an kotlok

bwe ren kalbuji juon armej ak etale im kabbok men ilo juon jikin. Ilo civil case ko, pepa in naan in kamol ko an dri-kamol ro ekka wot aer kojerbali non jiban im rielok kajitok ko non juon summary judgment (lale melele eo an summary judgment).

**AFFIRMATIVE DEFENSE** – Wawein eo juon defendant ak dri-jumae abnono, ilo an jab karieb ak jumae melele ko nae, ej komane non lemantak bar jet kain wawein jojomar ko einwot bwe ebwebwe ak ewor an naninmej in komalij, bwe ear komane men eo ear komane non an lomoren e make jen jorren, ak bwe ewor jet ro an kien rar koman bwe en kar komane jorren ak bod eo non an kajion kejoor e make jen eddo ko remaron drori ion iumin kakien ko ikijien civil ak criminal case.

**AFFIRMED** – Ilo wawein jermal ko an court ko an appeal, naan in ej melelen bwe court eo an appeal ej ba bwe ejimwe im ej erra iben kar jemlok eo an court eo im ear ronjake ak ekajete case eo.

**AGENT**- Juon armej eo im ewor an maron in makitkit ilo etan bar juon armej.

**AGGRAVATED ASSAULT** – Juon kajion eo non koman jet jorren ko rellab non enbwinin bar juon armej ak baj itok wot in kar komane, ilo an armej eo wor an jela kin ta eo ej komane ak ilo an ejelok an armej eo kea kin jorren ko enaj komani, ak juon kajion eo non koman ak baj itok wot in kar komane, ilo an armej eo wor an jela kin ta eo ej komane, jorren ko non enbwinin bar juon armej kin juon kein ire eo ekauwatata.

**AGGRAVATED BATTERY** - Wawein an juon armej kojerbal kajur ko rej jab jimwe im jejjet iumin kien nae bar juon armej ilo an kojerbal jet wawein ko ej jab aoleb ien armej ej komani im rellab nae bar juon einwot kojerbal juon kein irre eo ekauwatata.

**AGGRAVATING FACTORS** - Jabrewot wawein ko im rej ekejelolok wot iben wawein an kar juon armej komane juon jorren ak bode o im ej kolablok ak koman bwe en lablok jonan jorren ak bod eo ak kakobabalok ak kolablok jorren ko rej walok.

**AGREED STATEMENT OF FACTS** - Juon naan ak melele eo im ej kolajrak aoleben melele ko emoj an party ko erra iben dron kaki ke remol im jimwe, ko im remaron wonmanlok non court eo non an maron komane juon an alikar.

**AGREEMENT** – Juon melele ak juon lemnak eo non komane juon men eo im ej ikotan ruo ak elonlok jen ruo party ko. Pepa eo ak wawein ko jet im ej kamol juon kon rot in.

**AID AND ABET** – Jiban, rejetaklok ak kabiroroiklok im jibanlok bwe en maron koman im walok juon jorren ak bod.

**ALFORD PLEA** - Wawein uwak eo an juon defendant ak dri-jumae abnono eo im ej uwak im make ba ke ewor ruon, eo im ilo an defendant eo ak dri-jumae abnono eo komane ej jab kamol ke ear lukun komane jorren eo ak bod eo botab ej erra wot ke ebwe kamol ko iben kien non an court maron lo ruon; wawein in ekka wot an juon defendant ak dri-jumae abnono komane non kajion ko ak le jen kajje ko remaron kar lablok.

**ALIBI** – Wawein jojomar eo im armej eo im emoj ennoik ruon ej kojerbale non an kwalok im ba bwe ear bed ilo bar juon jikin ilo tore eo im ear walok jorren eo ak bod eo ennoik ruon kake.

**ALIMONY** - Allowance ak drettan eo court ej order e ak karoke bwe leo ak lio en kollaiklok non armej eo balen einwot kein an mour im bok an aikuij ilo tore eo ej jebel ak jab bed iben armej eo balen, im kottar wot an wor juon kajitok non divorce ak jebel, ak elikin aerro divorce ak jebel.

**ALLEGATION** – Melele ko an juon party ilo juon case im ej kolajrak ta ko ej bojak in kamoli.

**ALLEGE** – Non kwalok, lemantak, ba, wonmanlok kake, ba nae ak jakemantak. Non kwalok juon melele.

**ALLEGED** – Ba ke emol einwot komeleleiki, ak juon armej eo ennoik ruon botak ejjanin moj ekajete iman court.

**ALLOCUTION** – Naan eo an juon dri-jumae abnono non an court lemnak kake ilo ien an komane jemlok eo an.

**ALTERNATIVE DISPUTE RESOLUTION (ADR)** - Bar juon wawein eo ak wawein ko jet party ko rej komani non aer tobar juon kon ikijien bok ak abnono eo ikotaer ak non tobar juon jemlok in bok ak abnono eo ikotaer ilo an ejelok juon ien lukun ekajet eo ej koman.

**AMEND** – Non jeniji, kajimwe, ukote, kokmanmanlok, ak ikirlok jekjekin.

**AMENDMENT** – Kajjimwe eo non juon bode o eo emoj kamole ilo jabrewot wawein ko.

**ANSWER** – Uwak eo jen dri-jumae abnono eo non melele ko an dri-abnono eo ilo abnono eo an. Juon uwak eo ej uwak melele non melele, eon non eon ilo juon abnono.

**APPEAL** – Juon kajitok eo lemantak elikin ekajet eo im kajitoklok iben bar juon court (ekka wot court eo ej ronjake appeal) bwe en kwalok juon alikar eo elane ear jimwe im jejjet wawein an kar koman ekajet.

**APPEARANCE** – Jadretok iman court einwot juon party ak juon eo ewor an itok limo ak einwot juon lawyer eo an juon party ak juon eo ewor an itok limo.

**APPELLANT** – Party eo im ej kajitok non juon jemlok eo eliktata.

**APPELLATE COURT** – Juon court eo im ewor an maron ronjaki appeal ko im etale wawein kar jermal ko an court eo ear ekajete case eo.

**APPELLATE JURISDICTION** – Maron eo an court eo an appeal non etale im ukot ak korol jemlok eo an court eo lok ilal.

**APPELLEE** – Armej eo im rej appeal nae.

**ARBITRATION** – Wawein aer komakitlok abnono eo non juon armej eo ejelok an jeb iben jabrewot ian party ko im kelet in party ko jimor ilo case eo im rej erra imanlok ke renaj jimwe loor jemlok eo komanin arbitrator ak dri-ronjake eo elikin an ron jen aoleb party ko jimor.

**ARGUMENT** – Naan ko an juon lawyer non judge eo ak jury non komeleleik case eo an ak wawein an kien ko jermal.

**ARRAIGN** – Buntan eo im juon eo emoj ennoik ruon ej itok iman court non an ronjake ta jorren ak bod ko ennoik ruon kaki im kwalok uwak eo an elane ebod ak ej jab bod ak ne ej jab kariebi.

**ARRAIGNMENT** – Juon ien ronjakej eo im armej eo emoj ennoik ruon ej jadetok iman court non an kwalok uwak eo an non jorren ak bode o ennoik ruon kake ilo information eo ak pepa eo emoj kadrelontok im ej kwalok men ko ruon.

**ARREST** – Bok anemkwoj in makitkit eo jen juon armej.

**ARREST OF JUDGMENT** - Karumwijlok an jermal im wor kitien juon an court jemlok, eo im ededelok an komane im kadrelone.

**ARSON** – Tile bar juon armej ak mon juon bar armej ak jikin jermal an jabrewot armej.

**ASSAULT** – Jabrewot wawin kajion ak naan in kamjak ko non kakure enbwiniin bar juon armej, ilo ien eo ej alikar an wor an armej eo maron in kakure, im jabrewot wawein makitkit ko im renaj koman menin an armej eo iton kakure mijak im ekkel.

**ATTACHMENT** – Bok mwein juon armej non kobellok muri ko emoj an court kalikari.

**ATTEMPT** – Juon kajion ak kotobar eo non komane juon jermal ak komane juon jorren ak bod, juon eo emoj kar lemnake im beeke, botab kar jab lukun komane.

**ATTEST** – Non kamole, non ba ke emol juon men ak bwe juon men ej lukun mol in men eo eo.

**ATTORNEY OF RECORD** – Lawyer eo ej an juon party im ej eo ekkar bwe en ilok pepa ko none jen court ak jen party ko jet.

**ATTORNEY-IN-FACT** – juon armej eo (ej jab lukun aikuij bwe en lawyer) emoj an bar juon armej komarone bwe en makitkit ilo etan non an komane jet jermal ko, ak juon jermal

eo emoj kalikare, ak non an lolorjake juon jermal eo bwe en tobrak eo im ej jab ikijien jermal in kakien.

BAIL – Jaan ak jortoklik ko jet lelok non court non an juon armej maron jab bed iloon kalbuj im non koman bwe armej eo en naj jadelok iman court.

BAIL BOND - Juon men eo ak eddo im juon armej eo im emoj ennoik ruon kin juon jorren ak bod ej jaini einwot juon kalimur ke enaj bed ilo ien ekajet eo an. Eddo in ej jaini ej melelen bwe armej eo emaron luji jaan ko, ak koman bwe en jab rollok jaan ko an elane ejab make jade ilo ien ekajet eo an. Elon wot ien rej na etan menin *bond*.

BAIL BONDSMAN - Armej eo im ej e eo renaj kamuriki non an kollaik bond eo non an defendant ak dri-jumae abnono eo drioj jen kalbuj.

BAIL FORFEITURE – Bail eo court ej boke itok wot jen jab loor karok an court.

BAIL REVIEW – Juon ien ronjake eo komane non bar etale drettan eo emoj kar karoke ikijien bail jinoin nae armej eo emoj ennoik ruon.

BAILIFF – Juon court officer eo im ej bok eddoin lolorjake jokane eo iloon jikin ekajet eo im eddoin jury eo.

BANKRUPT - Ej kenono kin kakien ko im jermal ak ronjake ko an court im rejelet armej ak business ko im rej jab maron kollaik muri ko aer im rej kajitoklok jiban iben court bwe en jiban er komane juon ijino eo ekaal. Iumin kejbarok eo an bankruptcy court ko, dri-muri ro remaron korolok er ak “jolok” muri ko aer, bolen ilo aer kollar wot jidrikin kajojo muri ko. Bankruptcy judge ro rej judge ro im rej jijet im ronjake case kein. Armej eo emuri rej na etan debtor ak dri-muri im armej ak company ko emuri non er rej na etaer creditor ak dri-kamuriri.

BANKRUPTCY - Menin ej kenono kin kakien ko im ronjake ko court ej komani im rejelet armej ak business rot eo im rej jab maron kollaik muri ko aer im rej kajitok jiban jen court non aer maron bar komane juon ijino eo ekaal. Iumin kejbarok eo an bankruptcy court ko, dri-muri ro remaron “rolok ak ella” jen muri ko aer, ilo aer bolen kollaiklok wot jidrik in kajojo muri ko. Bankruptcy judge ro rej judge ro im rej ronjake case rot kein. Armej eo ewor an muri rej na etan debtor ak dri-muri im armej ro ak company ko im dri-muri eo emuri ibaer rej na etaer creditors ak dri-kamuriri.

BAR – Ilo bwebwenato, ej alal eo im ej kojebel ijo jikin dri-aloj ro jen ijo judge ro, lawyer ro, im ro jet im rej bok kunaer ilo ekajet eo rej bed ie. Melele eo im elon wot armej rejela kake bwe ej melelen naan in ej bwe ej etan droulul eo an lawyer ro.

BAR EXAMINATION - Juon test eo im aoleb ro rej lemnak in jermal einwot juon lawyer rej aikuij in boke non aer maron wor aer license ak melim in jermal rot in.

**BATTERED CHILD SYNDROME (B.C.S.)** - Jekjek eo an enbwinin juon ajiri, eo im ej kalikarlok ke emaron wor jorren ko non loan ak likin enbwinin ajiri eo itok wot jen koman ko an jinen ak jemen, ak armej eo im ej lale im bok eddoin.

**BATTERY** – Jibwe ak unir bar juon armej ilo juon wawein eo enaj koman inebata ak kabnono non armej eo, ak kojerbal kajur ion juon armej ilo an ejelok melim jen armej eo.

**BATTERY, SPOUSAL** - Jibwe ak unir armej eo balen ilo juon wawein eo enaj koman inebata ak kabnono non armej eo balen, ak kojerbal kajur ion armej eo balen ilo an ejelok melim jen armej eo balen. Lale melele eo an **BATTERY**.

**BENCH** - Jea eo an judge eo im ej jijet ion ilo ien ekajet ko.

**BENCH CONFERENCE** – Juon kenono eo, emaron dreton ak jab dreton ilo record, ijo iman iben judge eo im ej koman ikotan judge eo im lawyer ro wot, ijo im jury eo ej jab maron ron ta ko rej kenono kaki.

**BENCH TRIAL** – Kain ekajet rot ko im rej jab koman iman juon jury ak rej koman iman judge ro im judge roe o rej komane jemlok eo.

**BENCH WARRANT** – Juon order ak karok eo jen juon judge non kalbuji juon armej.

**BENEFICIARY** – Juon armej eo emoj kwalok etan ke enaj e eo ej dri-jolet ilo juon kalimur. Ilo kain ja an ko im juon bar armej ej lali im kejbaroki non armej eo an, ej armej eo im rej kejbarok jaan eo none.

**BEQUEATH** – Lelok juon jolet non juon bar armej ilo kalimur.

**BEQUESTS** – Jolet ko rej ilok ilo kalimur.

**BEST EVIDENCE** – Kamol ko raurok tata; kamol ko remontata im ralikartata. Kamol ko rej jab dreton ilo melele in rej na etaer secondary ak ko ilallok. Einwot ba ak wanjonok, juon leta eo im ej lukun leta eo rar je jinointata ej kamol eo emontata, im juon eo ej photocopy ej secondary ak ilallok.

**BEYOND A REASONABLE DOUBT** – Jonok eo ilo criminal case im ej koman bwe juon jury en aikuij in ju buruon ilo juon loletet eo emon im jimwe ke aoleb wawein ko rej jurake jorren ak bod eo emoj an dri-kinaklok kamoli. Kain jonok in ej jab aikuij bwe en wor kamole non jonan en enaj jolok aoleb bode otemjej, botab ej aikuj bwe kamol ko ren lukun alikar non aer maron komakit ak jolok bode ko rekkar bwe ren bed ilo kolmenlokjen ko an kajojo armej.

**BIAS** – Juon lemnak ak alikar eo ededlok an kar baj bed wot iben juon armej, eo im ej kwalok juon alikar eo im emaron jelet wawein an juon tobar jemlok ak lemnak.

**BIFURCATE** – Wawein kejenolok unin kenono ko ilo case ko im jerbali jen dron, einwot kajitok ko ruo ikijien elane ebod ak ej jab bod juon armej im eddo ko an armej eo ilo case in criminal ko ilo ien ronjake eo, ak kajitok ko ruo ilo civil case kin elane ekkar bwe juon armej en kolla wonen jorren ak muri ko im drettan jorren ak muri eo aikuuj kolla wonen.

**BILL OF PARTICULARS** - Juon komelele eo ej tibdriki im kwalok aoleb melele ko nae defendant ak dri-jumae abnono eo.

**BIND OVER** – Ba bwe juon armej ej wonmanlok wot non ekajet ilo an kolla bond ak bail ak jortoklik ko ak ilo an bed iloan kalbuji im kottar ekajet eo an. Elane juon judge eo im ej komane ronjake eo enaj lo ke ewor unin tomak bwe armej eo ennoik ruon ear komane jorren ak bod eo ennoik ruon kake, judge eo enaj ba bwe armej eo ej wonmanlok wot non ekajet, ekka wot elikin an karok juon drettan bail eo non an lale im koman bwe armej eo en kab lukun jadetok iman court ilo ien ekajet eo an

**BODY ATTACHMENT** - Juon order ak karok eo jen court im ej itok ilo jeje non koman bwe juon sheriff ak juon peace officer ak dri-lolorjake ainemon en bukot im boktok iman court: 1) juon dri-kamol eo im ear likjab in eoron juon subpoena ak kir, 2) juon party eo im ear likjab in loor juon an court karok ilo juon civil case, ak 3) juon dri-kamol eo im elukun aurok naan in kamol ko an dri-liakelok ak dri-jojomar eo ilo juon criminal case.

**BOND** - Juon kamol ak juon kein kamol kin juon muri. Elon wot ien rej kojerbale iben bar naan eo juon etan *bail*.

**BOOKING** - Jermal eo me rej bijaik, bok maalkan addin pein im recordi melele ko im rej kwalok kajien im kaddadin juon armej eo ennoik kin juon men. Wawein in rej komane elikin wot aer jibwe im kalbuji juon armej.

**BOOKING NUMBER** - Numba eo im rej lelok non criminal record ko an juon armej ilo ien eo rej jibwe im kalbuji.

**BOOKMAKING** - Jermal eo juon armej ej komane ilo an collect ak aini bet ko an ro jet ak dror bet ko ion jet alikar ko an jet men ko renaj walok jet ran ko tokelik.

**BRANDISHING A WEAPON** – wawein kwalok juon kein ire non bar juon armej, ekka wot an juon policeman ak juon armej eo im ej walok jorren ak bod eo none.

**BREACH** – Rube ak ella ion juon kien, jimwe, eddo ak ijo kunan juon ilo wawein an juon komane juon men ak likjab in komane juon men.

**BREAKING AND ENTERING** – Rube im drelone imon jokwe eo an bar juon armej ilo bon ilo an wor an lemnak in komane juon jorren ak bod iloan mweo.



**BREATHANALYZER TEST** - Kakolkol eo non lale jonan alcohol eo ilo enbwinin juon armej eo rej jibwe im kalbuji kin an kadok im kattor waan ettor im rej komane ilo aer katet bwin an armej eo menono.

**BRIBE** - Juon menin lelok, ej jab aikuij bwe en wor wot aurokin ilo jaan, lelok ilo wor lemnak in kibel ak karel wawein makitkit ak jermal ko an armej eo ej ilok menin lelok eo none.

**BRIEF** - Juon melele eo ilo jeje im juon lawyer ej je non an iakwelele juon an case iman court. Iloan melele eo ebed juon komelele eo ilo tu kadu kin ta melele eo an case eo, kakien ko rej jermal none, im juon iakwelele eo kin ewi wawein an jermal kakien ko non melele ko an lawyer eo.

**BURDEN OF PROOF** - Eddo eo an juon party non ejaake, kin kamol ko, drettan tomak eo emaron bed iben judge eo non an tomak juon men.

**BURGLARY** - Drelone ak bed, ilo jab jimwe, iloan juon em eo, juon eo etot ilal ak emaron emakitkit, waan ettor ak imon jokwe non an juon komane juon jorren ak bod.

**CALENDAR** - List ak lajrak in case ko emoj aer schedule ak karoki non ronjaki iman court.

**CALLING THE DOCKET** - Ien eo juon judge ej kir koban docket eo ak lajrak in case ko ilo jinoin term eo an non an karok ien ekajet ko aer ak non an kadrelon order ko aer.

**CAPITAL CASE** - Juon case in criminal eo im juon ian kajjo ko none ekoba kajje eo kin kamije.

**CAPITAL CRIME** - Juon jorren ak bod eo im emaron ilok kajje ikijien mij none.

**CAPITAL PUNISHMENT** - Kajje kin mij non jorren ak bod ko rellab ak elab aer nana.

**CAPTION** - Ijo ilo tu lon in juon pepa in court eo im ej kwalok etan party ko, court eo, case numba eo, im melele ko eierlok wot.

**CASE** - Et eo ekka wot kojerrjale non melele ko an naan kein action, cause, suit ak controversy ak bok ak abnono ko boktok non court non bukot mejlaer.

**CASE LAW** - Kien ko rar ejaak jen jemlok ko an appellate court ko, elabtata Supreme Court eo.

**CASE NUMBER** - Lale melele eo an **DOCKET NUMBER**.

**CAUSATION** - Koman ak jermal ak men eo im ej koman bwe en walok juon men.

CAUSE - Juon lawsuit, ekajet, ak case. Jabrewot kajitok, civil ak criminal, eo im rej ekajete ak iakwelel kake iman juon court ak judge.

CAUSE OF ACTION - Melele ak wawein ko im rej koman bwe en wor juon lawsuit ak juon case.

CEASE AND DESIST ORDER - Juon order ak karok eo an juon administrative agency ak court eo im ej kamoik ak kabojrak an juon arnej ak business komane juon kain jermal.

CERTIFICATION - 1. Juon kamol ilo jeje. 2. Juon naan eo ilo jeje im ej koman non kamol ke juon pepa ak men ej lukun mol in copy in original eo.

CERTIFIED - Kamol juon pepa ke ej mol in pepa e oak bwe ej mol in copy in mol in pepa eo.

CHAIN OF CUSTODY - Juon komelele eo im ej kwalok ia eo aoleb kein kamol ko rej bed ie jen tore eo rej jino jakimantak non tore eo emoj kadrelontok einwot kein kamol.

CHALLENGE - Juon naan in jumae, einwot eo im juon lawyer ej komane ilo ien ronjake ko non an kwalok an jab erra bwe juon arnej en jijet ilo jury eo ilo juon civil ak criminal case.

CHALLENGE FOR CAUSE – Jumae an juon jijet ilo jury kin juon un eo naj aikui moj kalikare (ekka wot kin un ko ikijien jeb ak kalijeklok iben ak nae juon ian party ko ilo case eo). Judge eo ewor an maron in jab ronjake jumae eo. Menin eoktak jen men eo rej na etan peremptory challenge.

CHALLENGE TO THE ARRAY – Kajitokin elane ekkar bwe aoleben jury eo ren jijet, ekka wot kin un ko elane enaj wor jeb ak ikijien jet bod in jermal ko ilo wawein kar kirtok jury eo.

CHAMBERS – Office eo an judge eo. Juon ronjake eo ej koman iloan office eo an judge eo ej koman ilo an jab bed jury eo ak aoleb arnej.

CHANGE OF VENUE – Komakit ronjake eo an case e oak ekajet eo an juon criminal case non bar juon jikin.

CHARACTER EVIDENCE – Naan in kamol ko an dri-kamol ro im ewor aer jela im melele kin mantin im wawein an bar juon arnej bed im mour ilo jukjuk in bed eo arnej eo ej bed im mour ie.

CHARGE – Juon enno eo emoj an drelontok einwot bunten eo imantata jen dri-kinaklok non ennoik ruon juon arnej kin juon jorren ak bod eo im emoj kolajrake ilo juon complaint ak abnono, komelele in jorren ak bod eo ennoik ruon kake. Non ba ke juon ear komane juon jorren ak bod. Non ennoik ruon juon kin juon jorren ak bod.

**CHARGE TO THE JURY** – Naan in komelele ko an judge eo non jury eo ikijien ta kakien ko rej jermal non melele ko ilo case eo ekajete.

**CHARGING DOCUMENT** – Juon pepa eo im ej ennoik ruon juon dri-jumae abnono ke emoj an komane juon jorren ak bod. Ekoba juon citation im juon criminal information.

**CHIEF JUDGE** – Judge eo ej jijet im ronjake juon case ak eo ej lolorjaki aoleb jermal ko an juon court.

**CHILD ABUSE** – Jabrewot wawein kakure ko non enbwinin, kolmenlokjen ak komalij eo an juon ajiri.

**CHILD MOLESTATION** – Jabrewot wawein ko rejekkar im etton ak tebil non, rejelet, ak rej koman non juon ajiri eo elle ilal in yio eo emoj an lal eo an kalikar ke ej yio eo an juon eo watoke bwe ej juon dritto.

**CHILD SUPPORT** – Eddo eo an juon jinen ak jemen juon ajiri iumin kien non komane ijo kunaer non bok aikuij ko, ekoba eo ikijien jelalokjen, an ajiri ro nejier.

**CIRCUMSTANTIAL EVIDENCE** – Aoleb kamol ko jet ijelokin ko jen juon armej eo ear lukun lo ak ronjake juon men an walok. Juon wanjonok ej kamol eo einwot malken pa, eo im jene juon emaron bok jet kain melele.

**CITATION** – Juon kenono eo non juon jikin ak men eo kar bok melele jene. Juon karok eo jen court non an juon armej jade iman court, einwot citation ko rej lilok non armej bwe ren make jade iman court im jab kalbuji er.

**CIVIL ACTION** – Case ko im rej jab case in criminal ak koman jorren ak bod im juon armej make ak juon business ej case e bar juon armej ak business non kejbarok, kibel ak na wawein bwe en wor kajimwe bod ko nae.

**CIVIL CASE** – Juon abnono eo bokmantak non kibel, na wawein bwe en wor kajimwe bod ko, ak kejbarok jimwe im maron ko an juon armej make ak non koman bwe en wor kolla non juon jorren eo non juon armej ak party jen bar juon armej ak party. Ilo melele eo ebiroro tata, aoleb kain case ko jet ijellokin criminal case ko.

**CIVIL PROCEDURE** – Rule ko im wawein jermal ko im rej kojebwebweik wawein ekajete ak appeal i juon civil case, ekoba kebojak ko non ien ekajet eo, rule ko ikijien kein kamol im wawein an ekajet eo koman, im wawein ko non an juon naj appeal.

**CLAIM** – An juon armej ba bwe ewor an jimwe bwe en wor an ilo jaan ak men ko jet mwein armej.

**CLASS ACTION**- Juon case eo bokmantak in juon ak elon lok armej ilo etan juon droulul in armej.

**CLEAR AND CONVINCING EVIDENCE** – Jonok eo non kamol im ekka lore ak kojerjbale ilo civil case lawsuit ko (lale melele eo an civil lawsuit) ak case ko an ra k oak jikin jermal ko im rej jermal ekkar non rule ak kien ko emoj lilok bwe ren jermal iumier. Ej beek drettan kamol eo im ej aikuij wonmantak jen dri-abnono eo non an maron anjo ilo case eo.

**CLEMENCY OR EXECUTIVE CLEMENCY** – Wawein eo juon president ak governor ej komane non kejuor juon arnej jen kajje ko remaron kar ilok none itok wot jen an kar komane juon jorren ak bod, an kar wor ennoik ruon, ak moj lo ruon kin juon jorren ak bod. Emaron itok ilo wawein juon commutation ak an komraiklok kajje ak pardon ak jolok ruon.

**CLERK** – Officer eo an court im ej file ak kadrelon pepa ko file i ilo court, kajitok ko, jemlok ko, im ko eirlok wot, kadiojlok kojela ko im pepa ko jen court im kejbaroki record ko an ronjake ko iman court.

**CLOSING ARGUMENT** – naan in kojemlok ko an juon lawyer iman arnej eo ej ronjake case eo im ej komane elikin an dedelok an aoleb party ko lemantak kamol ko aer.

**CODE** – Juon kakobaba in aoleb, ekoba oktak ko noni, kakien, rule im kien ko ejaak in ra eo an kien eo im ej bok eddoin ejaak kakien.

**CODE OF CRIMINAL PROCEDURE** – Kakien ko im rej kalikar wawein ekajet juon case in criminal ak case ko ikijien koman jorren ak bod.

**CODE OF FEDERAL REGULATIONS** - CFR ej lajrak eo regulation ak kein ko an executive agency eo rej komane ilo aoleb yio im kwaloke ilo Federal Register eo, im kar regulation ak kien ko jen kar moktalok im rej jermal wot im wor kitier. CFR eo ej kwalok aoleb kakien ko im rej kiene wawein jermal ko iman administrative agency ko an federal.

**CODE OF PROFESSIONAL RESPONSIBILITY** - Kien ko im rej kien wawein an lawyer ro jermal im makitkit. Ilo Code in ebed aoleb kien ak wawein jermal ko lawyer ro rej loori im jermal iumier enanin aoleb ien kab bareinwot kien ak wawein jermal ko rejenolok non ien ko im men ko rejenolok im rar jeje jen American Bar Association eo.

**CODICIL** – Juon kakobaba non juon kalimur.

**COLLATERAL** – 1. Juon men eo mwein arnej kojerbal non jortoklik nae muri. 2. Juon arnej eo ej uwan juon nukin (einwot juon jowi) botab ej jab lukun bed ilo lajrak eo an nukun eo an arnej eo juon.

**COLLATERAL ATTACK** – Juon jumae eo nae juon jemlok im ej jab ilo wawein juon appeal eo ej kajju non juon court eo eutiejlak.

**COMMISSIONER** – Juon arnej eo im ej kejbwebweik juon commission, juon eo ej uwan juon commission. Officer eo im ej jeban juon department ak ra an public service.

**COMMIT** – Komane ak kotobrak juon jermal ak komakit. Komane juon jorren ak bod. Jilkinlok juon armej non jikin kalbuj, mon bwebwe, ak jikin ukot mantin armej kin order an court.

**COMMITMENT** – Wawein an juon armej jilkinlok bar juon armej non jikin kalbuj ak mon bwebwe. Order ak karok eo an court non juon officer non bok juon armej non juon jikin kalbuj ak mon bwebwe.

**COMMITMENT ORDER** – Juon order ak karok eo an court im ej koman bwe juon armej en bed iumin kejbarok ilo juon jikin, ekka wot ilo juon jikin kalbuj ak mon bwebwe.

**COMMON LAW** – Wawein kien eo im ear jebar im ijino ilo England im kio United States ej kojerbale. Elab wot an bedbed ion kar jemlok ko im jab kakien ko ejaak jen ra in koman kien ko.

**COMMUNITY PROPERTY** – Men ko mwein ruo dri-balele im jonan aéro maron ioer wot juon bedbed wot ion ke erro rej dri-balele. Non wanjonok, men eo wonen armej eo iaerro ej jermal eban an wot ak enaj aéro jimor.

**COMMUTATION** – Komraiklok kajje eo nae juon, einwot jen mij non bed iloan jikin kalbuj non indreo.

**COMPARATIVE NEGLIGENCE** - Juon tomak ak lemnak eo im rej kojerjbale non keedi im lale ewi jonan naj muri eo an juon armej non bar juon armej, im koman bwe juon armej en kollaik wot jonan eo ekkar bwe en kollaiki ekkar non jonan jorren eo ear komane ak ijo kunan non jorren eo.

**COMPETENCY** – Jonan ejmour ak jorren eo an kolmenlokjen eo an juon armej, elabtata ikijien an maron in naj bed ilo ekajet im lelok jiban non lawyer eo an ilo an jojomar none.

**COMPLAINANT** – Party eo ej abnono ak case e bar juon armej; juon eo ej bukot jiban jen court bwe en wor kajimwe non bod ko nae. Et eo juon ej dri-abnono.

**COMPLAINT** - Pepa eo ej kadrelontok juon abnono ilo court. Ej komeleleik ta eo abnono kake im jiban eo kajitak kake jen court. Pepa eo im ej kwalok aer ennoik ruon juon armej kin juon jorren ak bod.

**COMPLY** – Jermal ekkar non ak lore, ak bokake.

**COMPOSITE DRAWING** - Jina eo me ej jina in armej eo me rej lemnake ke e eo ear komane jorren eo im dri-jina eo an policeman ro ej jinaiki jen komelele ko an armej eo ear kakure ak juon dri-kamol ilo an kwalok jekjekin armej eo.

**CONCILIATION** - Ej juon bar wawein koman ainemon im jemlok, eo im party ko rej boklok abnono eo aer non bar juon armej, juon armej eo me ej jiban kadiklok an aer

kottan ko aer, kokmanmanlok kenono ko ikotaer, im jiban etali im kabok jet jemlok ko remaron emon. Jerbal in enanin einlok wot jermal eo juon etan mediation, botab ebirorolok im ietlok kien nae.

**CONCURRENT JURISDICTION** – Maron eo an ruo ak elon lok jen ruo court, kajojo iaer ewor aer maron in jerbale ejja abnono eo wot.

**CONCURRENT SENTENCES** – Kajje ko non elon lok jen juon jorren ak bod im rej jino im ettor ilo juon wot ien im jab jino juon im lak jemlok ej kab jino eo juon tokelik.

**CONDEMNATION** - Jekjek eo emoj na wawein iumin kien non an kien maron bok bwirej ko an armej non jermal ko an kien, ilo an kollalok drettan ko rekkar wonen an kojembali. (Lale melelein Eminent Domain)

**CONDITIONAL RELEASE** - Korolok juon jen kalbuj iumin jet karok ko im rej kiene makitkit ko an juon dri-jumae abnono im wawein an kobalok iben ro jet.

**CONFESSION** – Naan im melele ko juon eo ej dri-jumae abnono ilo juon criminal case im ej make kwaloki jen konan im kelet eo an make, ko im, elane remol, renaj maron make kalikar elane ewor ak ejelok ruon.

**CONFISCATE** – Boke im debiji men ko mwein juon armej non jermal ko an kien ak aoleb armej.

**CONFLICT OF INTEREST** – Juon mol in aban ak idabtok eo emoj an walok ak emaron in walok tokelik ikotan juon armej im itok limo ko an im juon bar im itok limo ko an ak ikotan jarmej eo im aoleb armej im jermal ko an non aoleb armej. Juon mol in aban ak idabtok eo emoj an walok ak emaron in walok tokelik non juon lawyer im an maron jermal non ruo armej ilo juon wawein eo im ekoman bwe lawyer eo en jab aikuij naj lawyer non erro jimor elane melele ko an armej ro rej oktak jen dron ak elane armej ro rej jab komelim an jermal non erro jimor.

**CONSECUTIVE SENTENCES** – Jemlok ko rej jino im ettor ilokan dron (ej jab juon wot ien), lelok non juon armej eo emoj lo ruon kin ruo ak elon lok jen ruo jorren ak bod.

**CONSERVATORSHIP** – Maron eo lelok non juon armej iumin kien non an bok eddoin im lali men ko mwein im jaan ko an juon eo im emoj kalikare ke ej jab maron make kejbaroki. (Eddo ko an juon conservator ej jab jonan ak lon in wot ko an juon guardian) Lale bar melelein guardianship.

**CONSIDERATION** – Un eo, wonen eo, ak men eo im ej kareel juon party bwe en drelone juon contract.

**CONSPIRACY** – Juon kon ikotan ruo ak elonlok jen ruo armej non komane juon jermal ak wawein eo erube kien; iumin kakien ko ikijien criminal ak koman jorren ak bod,

conspiracy ej juon jorren ak bod eo ejenolok jen lukun jorren eo ear wor bebe ak kon iben dron non komane.

CONSTITUTIONAL RIGHT – Juon jimwe ak maron eo emoj kabine iumin jemen-e eo an RMI; bareinwot juon jimwe ak maron eo emoj kabine iumin jemen-e eo an juon bar lal.

CONTEMPT OF COURT – An court lo bwe ewor juon wawein ak men eo emoj an juon arnej komane ilo an wor an arnej eo kar lemnak in kajook court, jab bokake karok ko an, ak koman jet kain kabanban ko non jermal in koman jimwe ko.

CONTINUANCE – Kokakijeik ak karumijlok juon ien jijet, ronjake, ekajet ak ien ronjake ko jet non juon tore eo tokelik.

CONTRACT – Juon kon eo ikotan ruo ak elonlok jen ruo party ko im remaron drelone ilo naan ak ilo jeje im emaron jermal im kibel ro drelone.

CONTRIBUTORY NEGLIGENCE – Juon melele ak tomak eo ilo kien im ej kwalok ke elane dri-abnono eo ilo juon case eo im abnono eo ie ej ikijien jatiljek ear lon men eo ear komane im jibanlok bwe en walok jatiljek eo, inem ej jab maron kajitok bwe dri-jumae abnono eo en kollalok wonen jorren ko rar walok itok jen jatiljek eo an dri-jumae abnono eo.

CONTROLLED SUBSTANCE – Jabrewot ian un ekkajur ko im ewor kakien nae wawein komani im kojermal, ekoba narcotic ko, stimulant ko, im hallucinogen ko.

CONVICT – 1. Juon arnej eo im emoj lo ruon kin juon jorren ak bode o im kio ej bed iumin kajje kin jorren ak bod eo; juon eo ej bed iloan jikin kalbuj. 2. Lo ruon juon arnej kin juon jorren ak bod elikin ekajet ak itok jen an kar make kabode.

CONVICTION – Jemlok eo ej kwalok ke ewor ruon ekkar non jemlok eo an jury eo, lo ruon elikin ekajete, make ba ke ebod, ak kwalok kar juon uwak eo ke ej jab jumae melele ko non ennoik ruon.

CORONER - Dri-jermal in kien eo im ej bok eddoin etale ta unin bwe en mij juon arnej im jekjek kab wawein ko rej jeboole mij eo an arnej eo, mij ko me rej walok jen lej ko an bar juon arnej ak rejidimkij, im wor jet kokale ko me rekoman menin an etton an arnej lemnak.

CORROBORATE – Non rie im jiban lok kin kein kamol ko ak jemlok ko jen mokta; non bar lukun kalikar im kamollok.

CORROBORATING EVIDENCE – Kakobaba in kamol ko im rej iton kokkajurlok ak kabinlok kamol ko lemantak jinointata.

**CORROBORATION** – Kabbin ak rie im jibanlok naan ko an juon dri-kamol ak melele ko jet.

**COSTS** – Drettan eo lelok non kollaik aoleb wonen ko ikijien wot liakelok ak jojomar ilo juon case. Enanin aoleb ien menin ej jab kobaik wonen eo wonen lawyer eo.

**COUNSEL** – Juon legal representative ak juon eo iumin kien ewor an maron in kenono ilo etan bar juon armej, attorney, lawyer.

**COUNSEL TABLE** - Ijoko jikin dri-liakelok im dri-jojomar im rej bed ie ilo aoleben tore eo ej koman ekajet eo.

**COUNT** – Kajojo ian melele ko ikijien kajojo ian jorren ak bod ko ennoik ruon juon kaki im emoj kolajraki ilo pepa eo kadrelontok non ennoik ruon armej eo.

**COUNTERCLAIM** – Juon claim ak baj melele eo jen dri-jumae abnono eo ilo juon civil case nae dri-abnono eo. Einwot melelein bwe ebar wor juon abnono iloan abnono eo kar kadrelontok.

**COUNTERFEIT** – Non komane juon riabin, non copy ki ak anoke, ilo an ejelok an juon melim ak maron, im ilo an wor lemnak in iton mon ak riab, ilo an juon lemantak copy eo im ba ke ej lukun mol in pepa eo eo.

**COUNTY JAIL** - Juon em eo kojerbale non kajokweik armej ro rej ennoik ruweir kin jorren ak bod im/ak armej ro emoj lo ruweir im rar komani jorren ak bod ko ilo ejja bukon eo wot im rej kalbuji er ie.

**COURT** – 1. Jikin eo ilo Ra eo an Jikin Ekajet im emoj komarone non an koman jemlok ko non jabrewot bok ko, case ak abnono ko. Ilo kenono kake, ej judge eo ak judicial officer ro jet. Jet ien judge ro rej kenono kin er make einwot “court” eo, einwot ilo jekjek in, “court eo emoj an readi brief ko.”

**COURT ADMINISTRATOR/CLERK OF COURT** – Juon officer eo ijiton in court ak emoj kelete bwe en lolorjaki jermal ko an jet an court im rej jab ikijien case ak ekajet.

**COURT APPOINTED COUNSEL** – Juon lawyer in jojomar eo im emoj an court jitone bwe en kenono ilo etan juon dri-jumae abnono eo im ejelok an jaan non an make kollaik juon an lawyer.

**COURT COSTS** – Wonen ko wonen liakelok ak jojomare juon lawsuit, rejenolok jen wonen ko wonen lawyer. Juon drettan money eo im court emaron ba bwe ej aikuij kollalok non party eo e win (im emaron kolla jen party eo eluj einwot oktan drettan ko kojerbali non kar liakelok ak jojomar.

**COURT OF RECORD** – Juon court eo im ronjake ko an rej record i, transcribe i im kejbaroki non indreo.



COURT ORDER – Juon order ak karok eo jen court ak judge.

COURT REPORTER – Juon armej eo im ej lolorjake bwe en wor record in aoleb kajojo naan ko rej walok iloan court im tokelik dror aoleb kajojo naan kein ilo jeje elane ewor kajitok non menin.

COURT, APPEALS - Ilo jet state ak bukon, ej court in appeal eo eutiejtata, ijo im ej beke elane ej ronjake ak jab ronjake juon case in appeal.

COURT, DISTRICT - 1. Federal – Juon trial court eo im ej ronjake enanin aoleb kain case ko ilo court ko an federal. 2. State – melele eo an eoktak jen bukon non bukon.

COURT, JUVENILE - Court eo me ewor an maron in ronjaki case ko an ajiri eo ej janin un aer yio, ekka wot an 18. Case ko ikijien ajiri ro ekka wot aer kenono kin mwilin ajiri ro, won ej bok eddoier, im kin an jatiljek im jerwan lale er.

COURT, MUNICIPAL - Court eo im ewor an maron in ronjaki case ko ikijien civil im criminal im rej jebar jen ejja bukon eo wot im court eo ej bed ie.

COURT, NIGHT - Court eo im ej komani ronjaki ko an case ko ilo wot awa ko ilo jota manlok non jibontata.

COURT, SUPERIOR - Melele eo an naan in eoktak jen bukon non bukon

COURT, TRAFFIC - Court eo im ej jermal wot ikijien im ronjaki case in traffic ak kattor ko.

COURTROOM – Jikin eo ilo juon courthouse im judge ro rej komane ronjake ko aer ie.

CREDIBILITY – Mantin im wawein an juon dri-kamol kenono im ej kalikar non kij elane ekkar bwe jen tomake ak jab naan ko an dri-kamol eo.

CRIME – 1. Jumae kien im jab komane ak komane juon men eo im ilo an jab komane ak komane ekoman bwe en wor naj kajje. 2. Aoleb kain jorren ak bod ko im juon armej ej komane ilo juon ien ak jikin.

CRIMINAL – 1. Juon armej eo im emoj lo im na ruon kin koman jorren ak bod. 2. Jabrewot wawein ko rejelet kien ko ikijien koman jorren ak bod.

CRIMINAL CASE – Juon case eo boktok in kien nae juon armej eo ennoik ruon kin juon jorren ak bod.

CRIMINAL INSANITY – 1. Wawein an juon armej ejelok an jela itok jen naminmej in komalij bwe en komane juon men ak bojrak jen an komane juon men; an juon armej jab maron in jela ta eo emon jen ta eo enana ak ta ejimwe im ta ebod.